

天真閣集

天真閣集卷十九

詩十九

昭文 孫原湘 子瀟

著雍執徐

新正二日過鄰洋閣小飲

小雨愔愔蠟屐過綠窗相對泛紅螺梅花寒勒春來信竹葉香
邀醉後歌故里素心看漸少中年白髮喜無多與君翦盡深宵
燭良會人生得幾何

春晴寄遠

十二碧闌干梅花一半殘魚書春水闊翠裏莫天寒假玉無瑕
易真心不貳難斷雲微缺處且作老晴看

同心哀哭子侃

平生好友誰最奇我發一想君先知兩心如置一心裏日月對

照光不疲腹果萬卷啖我飢胸析萬理破我疑我心有病君能
醫君情亦惟我可移君居城東南我居城東北我往君來路如
織一日不見百回憶癯裏披衣走相覓君登山我負囊我涉水
君褰裳我或不樂思醉鄉君亦玉山頽我旁同歲察孝廉同車
上長安行則同煥寒坐亦同悲歡祇惜同心不同命我獲看花
君適病一病遂不支三年氣如絲妻孥屏勿見但索觀我詩我
詩春夏君詩秋一字不奇死不休人間無處覓奇句擲筆超然
上天去君去我獨哀長劒畫天天不開我心冥搜遍天界君覓
更在天之外淚灑海西溼虹帶天眼旁觀亦無奈昨宵翦紙覓
亂招君化明月懸青霄照我一寸心搖搖我爲地上塵不能飛
入天際雲君爲天上雲不能復作人間人如君才人世或有一
西一東不我友一西一東猶可尋安得兩入之心如一心

送舍弟之寧波

一帆已挂莫躊躇於越湖山似畫圖
遊客生涯難意揣依人活計漫心羈
憂愁此去誠難遣離別從來不可無
春水綠深斜照澹與君且復立斯須

將赴京闕遣嫁次女若霞

婉蘿小女太嬌癡離卻耶孃百不知
惜別但餘雙裏淚贈匳惟有一編詩
未諳蘭膳調中饋畧解梅花寫折枝
此去郎家好隨倡畫眉窗下諧京師

留別

萬疊離情酒一尊家山事事總消魂
東風吹殺春帆影看過桃花始出門

一二同心諧別難幽蘭香裏淚偷彈
異鄉花艸家鄉月各爲傷

離不忍看

落盡紅香換綠陰
畫眉窗下好眠琴
七條絃水清無底未抵相思此後深

十索歌成賦十離
繁欽相對淚如絲
玉屏東首晶簾外橫過梨
花雨一枝

雙樹生歌爲林遠峯上舍寶賦

雙樹生雙眼碧題詩手忙執雙管
尋花足忙著雙屐夜眠抱著
雙甕酒醉看雙丸自跳擲
雙樹爲姓雙樹名樹如其性
雙其情樹古槎枒起雙幹
下蟠蛟螭上凌漢寧爲空山
大木偃蹇而精神不願爲大
匠斲削戕其真有藤亦雙纏
有葉皆雙披根是交讓根枝
是連理枝雙樹合一身萬里
無參差一身化雙樹相抱還
相思君不見杜陵獨樹稱老
夫陶潛孤松三徑蕪君今無
獨

有其對林家不住孤山孤我亦平生有雙趣雙紅豆生配雙樹
好樸張璪雙松圖莫唱庾郎枯樹賦

趙甌北前輩翼惠題拙作依韵奉報

詩道如天走不盡或騁康莊或由徑我曹旗鼓各相當此老英
雄獨爭勝久誇趙幟列前驅那藉孫郎爲後勁百鍊方成繞指
柔五石能開鐵胎硬精神未覺春秋高談論何妨日夕竟十盪
十決千軍降一縱一橫萬里覓獨力撐持力有餘六義搜剔義
無賸丹爐已許兼金貽時以全集見贈白戰還看寸鐵禁寰區抄寫貴
紙價歷劫流傳爛柯柄應嗤浪仙句推敲不數將軍押覓病公
詩眞包子龍膽我遞降書號歸命

寒食泊舟毘陵驛和穉存前輩春日放歌韵

春烟墮地春水拍天春光一擲百萬錢春禽喚起春人眠遊絲

十丈長難繫赤鳥足遊舫兩頭尖如與白鷗浴
鵲帆竿上東風鳴驛柳細搖寒食晴樓頭闌干水面紅綠波照見金尊空踏青
青鞵不須借醉月還期俠嘉夜百年易過芳時芳萬事欲補無
媧皇安得落花飛上空枝香我騎白黿爲玉梁去看九州之外
九點陽春光

稭存前輩席上醉贈呂叔訥學博

八年前共玉山遊花下詩筒足唱酬官作廣文纔九品書成博
議自千秋堪嗟舊雨皆黃土

謂竹橋梅溪諸公

猶喜新霜未白頭同醉

洪厓仙榼酒把君左襲當浮邱

自毘陵至丹陽道中

泰伯祠前春水生呂蒙城下午雞鳴九霄就日瞻雲去三月乘
風破浪行麥穗抽青遲小熟梨花作雪近清明篷窗無限詩情

好人面紅霞照晚晴

舟中清明示內子道華

潑火瀟瀟雨
罨烟江雲畫出水波天
故園此日三橋下
多少衣香上冢船

去年今日雨疏疏
七里山塘畫不如
一樹海棠紅拂面
白公祠下泊船初

京口雨泊

小泊春潮綠一灣
扁舟且共白鷗閒
饒餬烟雨南宮畫
宛轉樓臺北固山
遠樹隔江如髮短
垂楊臨水半腰彎
金焦恰似紗籠女
只許遙看不許攀

寢題黃雀樓

漢水拍天流
天邊黃雀樓
亂雲巫峽窺
寢殘月洞庭秋
花落淒淒

笛江空渺渺舟仙洲與芳艸一片是離愁

舟至召伯埭忽中寒疾醫藥轉劇幾瀕于危返里後臥牀一月病起雜述

生平惟病魔與我最相熟遠出定追隨中途每潛伏薄寒偶中人五內忽反覆肌膚墮層冰腸胃帶飛鏃彭亨豕腹脹凜冽蝟毛縮徹夜呼號聲驚起鄰舫宿庸醫昧藥理峻劑妄投服悔讀萬卷書不曾本艸讀

京闕不可到計且返鄉里與爲中道殂母寧牖下死回舟纔向南風利片颿駛始知我北行天意所弗喜我官本如水我心本如水歸亦還故吾去固聊復爾幸而少微星不應戴處士且學謝東山高臥呼不起

鄉鄰聞我歸笑我計何左親戚聞我歸謂我去不果好友聞我

歸憐我命坎坷怨家聞我歸謂我中陰禍三旬不得食四旬始
減可未獲扶杖行且可擁衾坐去時桃始華紅藥今婀娜一笑
謝衆人花前還有我

人生百妄念皆是心火成一病火衰息百念俱澁清富貴我所
慕至此薄公卿殊色我所悅至此厭傾城自幸志道堅能使衆
慮輕豈知病稍轉念已微塵生病乃反近道不病心煎烹有藥
醫俗軀無藥醫俗情

病久忽思食凡蔬盡甘芳一物三四進屏棄不欲嘗今日烹臠
臠明日燔鰲肪初食亦知美繼食殊尋常或嫌醬不得或咎割
不方百味不適口靜臥還思量嗜欲本無厭縱之彌猖狂急自
求放心母但求充腸

病起親朋來牀頭戚促語百事置不問先問我出處謂我去匆

匆恐觸道途暑謂我行遲遲恐罄囊橐貯再拜謝親朋我自得
我所將作京朝官曰去天所阻將作山林人曰歸天所許且學
信天翁毋爲黃鵠舉

默坐忽不適攤書一長吟山妻怒奪去謂恐耗我心伏枕彊假
寐肌骨寒威侵一心無所著百病翻相尋急取書再讀頓覺開
胸襟愈讀神愈爽勝服苓朮優此如病酒客旣醉還復斟婦言
不可聽吾奉劉伶箴

開我東閣窗綠陰覆如屋窗下幽蘭花清風散芬馥時和氣暄
妍萬象媚幽獨臥聽時鳥聲春尙在空谷有客剝啄來辭以睡
方熟一榻堆琴書適意聊復讀絕勝輦紅塵雷鳴轉雙轂自笑
非病軀焉得此清福

錢牧齋故宅弔柳夫人

宅今爲昭文署齋東偏小樓柳夫人殉節所也百餘
年來人不敢居新尹至於門外拜祭加扁鐫焉戊辰
春會稽謝君培宰斯邑適陳大令文述因事過虞商
之謝君繫此樓以奉夫人祀出所藏夫人初訪半塗
堂小像屬海陵朱山人崔年重撫奉樓中將求夫人
遺詩鐫諸樂石納樓壁以揚幽烈而先徵同人賦詩
以識其事

秘室璇題榜我聞耦畊小劫易斜曛邨莊花尙開紅豆樓閣書
難問絳雲欲跨兩朝爲領襲翻輸一死與釵裙河東君不東君
負曾勸東君莫負君

索索尙書舊履聲貝多一卷莫年情黨魁才望空前後佞佛光
陰重死生說到褚公先齒冷傳來楊妹共心傾柳枝孃有貞松

操洗盡章臺放誕名

幅巾風度儼通儒
謁罷雲閒謁尙湖
宵降神仙長指爪
未嫌夫壻白髭鬚
人前俊眼如紅拂
花下捐軀比綠珠
一樣稻香樓上事
橫波偏覺遜麝蕪

綠墀青瑣長官衙
一角紅樓拓茜紗
甲第尙傳江令宅
丁簾休認莫愁家
春風圖畫臨桃葉
殘月精靈拂柳花
應有珊珊環佩下
自開妝閣弄雲霞

病起招陳雲伯大令

文述

餞春雙紅豆齋

初筵小設畫屏東
梅豆櫻珠綠閒紅
淺醉乍扶新病後
殘花多夾亂書中
故山歸計憐春鵲
流水年華感候蟲
欲仿君家投轄例
迴帆占殺石尤風

雲伯行館多名石古樹相傳爲牧翁絳雲樓故址今垣

以外猶名半堊堂可指爲證雲伯紀之以詩余亦次
韵

鳳尾嬌雲繫海桑神仙眷屬舊金堂紅羊劫後樓名在元宦歸
來世事忘何處埋香榕葉冷當年偕隱蕩花涼詩人偏有閒惆
悵悄對烏衣語夕陽

齊女墓

吳越春秋吳太子娶齊女思齊而病將死曰必葬我
虞山之巔以望齊國闔閭傷之如其言葬虞山之巔
寰宇記虞山有仲雍齊女墓東爲仲雍西爲齊女按
此則墓當在西山今錫峯上有望海墩前後左右累
壘皆高阜所謂虞山之巔以望齊國者此其地矣今
人據梁簡文招真治碑遠望仲雍而高墓蕭瑟旁臨

齊女而哀壘蒼茫謂齊女仲雍兩墓竝峙不知仲雍墓在虞山東嶺已見吳地記而樂史稱齊女墓自在西且仲雍墓非山之巔如與相比何以望齊國今郡城有望齊門望海卽望齊之意歟戊辰春杪陳子雲伯因事過虞山訪齊女墓不得余爲陳兩說翌日雲伯親履其地深以余說爲是相約作詩將礮石墩下俾後之人知所攷焉

發發河魴出水肥鸞車送女淚霑衣竟隨紫玉成烟去未許清簫跨鳳飛一卷春秋臣晝短數聲徵角國風微香靄泣盡芙蓉露滴向滄溟那得歸

鷁峯春艸繡諸墩定有埋香片石存九點青烟寒食斷一圓滄海照池渾思兒自隕牛山涕殉葬誰從宦市竟絕頂尙嫌高未

極杜鵑啼殺望齊門

破山寺用常建韵

經幢鎮幽壑喬木護禪林龍去澗仍合鳥鳴山更深古今雲過
眼興廢佛無心清夜鐘魚冷如聞六代音

同雲伯飲子梁家薔薇花下卽席戲兩君

窄地湘簾颺麴塵酒行花裏漏聲頻解憐春色偏孤蜨肯立斜
陽定慧人四壁似圍紅裊豔八窗疑拓綠紗新衣襟一味濃芬
染爲傍韓郎又傍荀

聞雲伯行館芍藥盛開

萬花叢裏古秦樓花譜親煩綵筆脩一朵絳雲宜絕代二分明
月似揚州可無士女詩相謔應有神仙佩出遊澆與東風婪尾
酒綠陰如水水如秋

寢至集芙蓉室見芍藥一叢花皆含蕊凝竚之際繁紅
盡開主人折一枝相贈輒索楮墨記三韵而醒續成
以寄主人能勿笑我癡人說寢也

半含花似女初笄一笑嫣然粲瓠犀事本無心偏恰好人如有
約定難齊春寒折取煩金翦香重攜來累玉蕤贏得寢中傳彩
筆又添公案入詩題

春去

懷人憶舊總惺惺細雨如塵灑畫櫺好寢那堪醒後想落花偏
值病中聽甜鄉日月誰爲記香冢東西未有銘只隔紅牆三五
尺如何牆外便青冥

菜花

天公二月鑄金忙妝點窮鄉作富鄉界破幾條平埜綠觀來一

片夕曷黃不防遊騎斜行入誰禁邨娃滿把香重到元都花事盡
普他桃影媚劉郎

繞郭濃香百晦寬東風三月路漫漫色分邨店鵝兒酒酒名菜花黃
味入田家肉食盤未博美人妝曉鬢卻愁詩老當秋看如何布
地黃金滿欲駐春光一寸難

涵泉趙翁構別墅於城北暇輒憩焉或疑爲藏嬌地翁
乃懸其夫人遺像於壁屬余賦詩以明其志

曲折迴廊窈窕房有亭有樹有花香寒山金石初分業茗水漚
波別有莊好客常懸徐穉榻夢眠閒設管寧牀不須喚老思燕
玉畫裏還陪老孟光

毛壽君屬題拈花微笑圖

山中春去春常在照眼花枝爛漫開一種靈機誰識得被君隨

手卻拈來

送春聯句六十韻

久未憑闌立

孫原湘

當軒樹樹圓弄晴風力老

趙同鈺

試霽艸薰妍

網罟花鬚顫

原湘

簾迎燕翼翻松梢黃墮粉

同鈺

榆莢碧攤錢

絮撲閒雲熱

原湘

苔攢宿雨鮮庭荒虛癭蜨

同鈺

林密隱唬鵑

蕉葉旗危卓

原湘

藤絲珞互纏徘徊幽意足

同鈺

觸撥亂愁先

長日初宜困

原湘

餘寒莫肯捐清遊須秉燭

同鈺

慰餞且開筵

酒鬪醪醕釀

原湘

詩尋芍藥緣銀鮪肥落箸

同鈺

鐵雀脰登筵

九熟珠櫻會

原湘

三生玉版禪茅針心嫵剝

同鈺

梅豆齒酸澣

短甲萸將茁

原湘

新槍茗乍煎消覓佳節物

同鈺

回首好流年

記得青郊迓

原湘

曾同紫陌鞭妝明桃塢裏

同鈺

黛展杏樓前

瑤管東城俟

原湘

瓊裾北里聯踏燈潛掐臂

同鈺

趁社覓摩肩

索笑參橫戶

原湘

盟院月上弦癡兒喧蹴踘

同鉦

狡婢賭鞦韆

一刻金難買

原湘

千聲箭易傳驀驚芳信度

同鉦

預怕勝時遷

棟子占番驗

原湘

莫莖數候愁拋殘歡喜地

同鉦

錯過豔易天

書斷劉郎札

原湘

吟收謝氏牋情馳雕韞馬

同鉦

嬾酌翠觥船

老大嫌窺鏡

原湘

匆忙等墜鈿搏沙隨麴散

同鉦

撮土恣香憐

祖帳桐陰匝

原湘

行廚米穀填繩脩寧繁景

同鉦

絲裊宛霏烟

旌旆神飄颻

原湘

瑠璃眼宕懸遮畱疑有朧

同鉦

迴縮苦無權

鴟鵂休頻促

原湘

驪駒盍少延再逢原荏苒

同鉦

小別亦縈牽

杳渺蒼龍駕

原湘

招搖赤帝旃塵猶飛滾滾

同鉦

水自溜涓涓

怊悵蜂歸洞

原湘

盤旋螳繞軌多情何爲者

同鉦

遠眺倍淒然

亭榭重重暗

原湘

欄干六六薔蘿蕪樵徑匝

同鉦

蘿薜女牆偏

布穀催臺笠

原湘

求桑聚陌阡斜塘萍泛泛

同鉦

別浦葢田田

波返湔裙侶

原湘

隄空拾羽仙傾襟能幾箇

同鉦

脩禊憶羣賢

浴佛良辰近

原湘

稱人故事沿衫呼裁細葛

同鉦

盆聽埽柔荑

綠檻朝停繡

原湘

紅閨午脫棉玲瓏團扇翦

同鉦

輕薄袷衣穿

鈴鴿遙聞放

原湘

筐蠶漸解眠硯憑薇露滌

同鉦

楮借竹皮鐫

駐色貪餐李

原湘

徵歌肆采蓮丙丁圭影測

同鉦

壬癸篆文拴

丹早元冰貯

原湘

榴期絳火燃芸苗除蠹蹟

同鉦

薛石埽蝸涎

冉冉臨槐序

原湘

依依紀柳躑躅叢馨默轉

同鉦

麥隴秀紛連

買夏園成論

原湘

傷春曲入絃相期河朔飲

同鉦

七發病應痊

原湘

荆博士二十四硯歌

賦棠博士有硯癖癖如米顛顛拜石手摩廿四琅玕青眼對一

雙鶴鵠碧花信番番到硯池楊州橋畔月明時呼童界取烏絲

紙好仿司空細品詩

徐林邱畫冊

老筆老無敵柔絲柔可憐
逗來遊子眼畫出早鶯天
一面東風活雙睂照水鮮
湖橋西去路絕勝六橋邊

晚眺

笑指城東堦上霞綠陰中有謝孃家
柳花落盡春心冷獨立飛樓數去鴉

霜林小幅

板橋流水石欹斜小杜詩情爲晚霞
畫手拈毫更超絕不將霜葉染桃花

山居

絕壁上無路芙蓉天際開高秋迴白日
盤古此青苔下有元真

宅長依碧水隈閒鷗飛不到除是片雲來

馮孝婦剗臂操

婦王氏居太倉之璜涇幼喪父諸姑適馮氏者迎歸
昏其子姑病革婦泣謂竈嫗吾父不幸早世熒熒母
女非姑不活姑死吾忍獨生嫗曰善然無可爲者夜
半婦潛起久不至嫗徃迹之遙見婦長跪持利刃袒
一臂釜騰騰氣上出婦見嫗來急剗片肉投釜中嫗
驚踣地婦取肉清進之姑姑口噤不可開灌以匕滾
滾從兩頰出婦大哭家人驚起問婦已暈仆嫗匍匐
入且泣且言狀里郇以是稱孝婦云

馮家婦馮家甥父死姑活我姑死忍獨生上呼天下搶地醫束手婦袒臂臂如雪刀如霜急投片肉入沸湯遲則竈嫗窺我旁

竈嫗驚仆婦起無所苦姑命得延兒肉作脯姑命不延兒肉如
土牀上絕命牀下斷腸家人來倉黃老嫗匍匐入房哭聲淫淫
震彼蒼老嫗搖手止勿哭且看盤中新婦肉

馮處士恒寄所撰貞蕤錄索序兼以斜川集侑緘報以

長句

馮生古文今作者共姜伯姬手模寫書成郵筒索我序展對黃

鐘怯鳴瓦先公

仲廉

文筆繼二川志行貞潔盟清漣逢人輒障茂

宏襲愛我獨拍洪厓肩我時航吟李青蓮問我韓柳心茫然阮

嵇傾襟實殊趣雲遜結契真忘年老成半百遽徂謝惜未得受

歐陽傳君今瓣香嗣家學咄咄跨竈追前賢向歆彪固有父子

幸得兩世交談遷平生詩騷有奇作作為文章苦力薄願持劈

正攻我瑕母但相憐如沈約君今寄我斜川詩字畫端楷抄烏

絲焚香細讀百不厭果然名父無凡兒貧者報瓊不以貨作詩
但爲先公賀有子能文足象賢又是人間一蘇過

太常寺蜨仙歌

并序

仙之形宏瑣不常所向視善氣乃集不入華牖也嘗
舞雪止瑛寢禪處士齋處士爲圖其狀又嘗集英照
齋司空室司空夫人今之管仲姬也承以綃帔仙爲
之馴故夫人撫繪尤栩栩視寢禪爲變格矣予屬司
空門下士獲覩神品贊嘆作歌

蝴蝶古仙人託居太常寺一雌而一雄慎守古樂器聞樂遽遽
拍雙翅雄唱雌隨恣遊戲或大如輪或如箴或小如錢隱於葉
有時還恐世眼驚變化仙軀作凡蜨不愛春光愛雪光不聞花
香聞雪香雪中與雪紛翱翔見者云是小鳳皇善人家祥雲遮

入室來嗅芝蘭芽高人居清風餘繞庭栩栩聽讀書置花滿堂
錦滿樹仙也他飛不一顧京師人海兩畫仙一英夫人一癡禪
仙亦好名求入畫先試癡禪水墨派猶防見者不相識更請夫
人細鉤勒呼來不集文窗紗承以鮫帕如輕霞翩然卽飛不可
遮若遇凡手空咨嗟夫人寓目心通靈以心視腕追杳冥仙乎
繞筆筆不停紙上若蛻真仙形以視癡禪各逼真誰得其意誰
得神仙於兩家熟且馴夫人善人禪高人餘人但從畫中看癡
望太常若星漢

戲題梅花卷

仙人撒手洒珠塵添得青天月有神絕似謝娘妝閣外雪中斜
出一枝春

哭子和觀察

宣勞郎署比盤清馬上秋霜鬢上生丙夜官書猶治獄丁年辭
賦早知名絕無暇日謀千古綽有賢聲動九卿身著繡衣乘傳
去忽忽碧海便騎鯨

使星分陝甬句東籌海深憂保障功扈瀆水仙春跋浪樓船飛
將夜追風鯨魚未報收青島鵬鳥先聞下碧空賸有八旬慈母
在憑棺白首淚雙紅

訪李二味霞於清聲館屬作梅花三弄味霞索予畫梅
十幀盡三鼓而罷

我乘扁舟來偶泊楓樹林濯髮語谿水一聽梅花琴初彈衆心
清再彈萬籟默秋水入戶飛山月當窗白忽憶碧松下同栖白
雲栖當時聽琴人宿州都萋萋感往勿復彈彈使我淒咽請收
瀟湘波看弄羅浮雪羅浮三萬樹縱橫入我圖一樹一虬龍一

花一明珠落筆青天驚閣筆衆山笑不逢絕世人烏能識其妙
我抱梅花圖君枕梅花琴陶然各入癡琴畫俱無心

萬和圃前輩

承鳳

南溟春濟圖

擊鼉鼓驚龍宮使星下射鯨波紅紅旗百尺招天風綠瑤璫鋪
南海面海外珠崖看不見耳邊隱約雷州雷眼底須與電光電
中流譚笑歡春聲老蛟惕息不敢鳴寶僚左右亦神旺濟險不
識波濤驚瓊崖屹立森五指領裒羣山逐天使城上纔看黑豆
生城下喧傳碧幢止瓊州四門開蕩蕩官吏羣瞻使星眼雲海
樓前士若雲珊瑚盡入先生網海日晴開放榜天落纓抱甲春
無邊佛桑花濃木棉麗絳火十丈燒青天一片冰心燒不熱三
載清風灑蘭雪歸裝不載明月珠只載梅花幹如鐵通潮閣上
題詩還揮手笑謝陶公山道書二十四福地曾住玉皇香案吏

卽今儻耳文風開花田桃李皆公裁諸生觀海難爲水歎息天生舟楫材

和圃先生公餘憶舊圖

使院茶煎刻漏遲晴光濃繡佛桑枝卻逢玉署金堂暇還憶蘆簾紙閣時清影依然燈火共苦心惟有瑟琴知分明風雪牛衣夜笑倚紅窗看紫芝

伉儷神仙世所無公餘清翰灑金壺綵縠細寫糟糠事丹粉重添黻佩圖還闕乍驚鸞折翼傳家早見鳳將雛卽今元相營齋罷細展生綃對鮑姑

寒夜鄰渚閣語月

松響清寒竹響淒霜風閃影忽東西酒能使客肺肝露月不放人睂眼低靜夜簾櫳虛白透先春梅萼小紅齊無端一晌幽窗

語過後思量又雪泥

嬌女

左思嬌女似嬌禽來道勝常送好音書是宣文親口授花令小
玉上頭簪學分繡綫宜纖手解辨琴絃有慧心一點櫻脣畱墨
在顰娥碑字甫撫臨

屠維大荒落

人日雪

瓊枝瑤艸遍柴局妝點靈辰恰恰靈大地無邊臨皓月中天何
處看參星三分順助梅花白七種難挑菜甲青偏是女兒能好
事春燈細鏤玉瓏玲

早春夜

快雪晴消玉砌塵娛寒微困驗初春簾搖明月無聲水屋貯梅

花絕色人奇氣文章愁裏發閒情心膽醉時真燈前一笑俄雙
淚自惜韶光自變身

喜邵蘭風上舍歸

七載不相見鬢鬢如許長清時中酒濁暇日作詩忙老輩看誰
健吾輩興復狂今朝梅樹下與爾且徜徉

炳燭行贈黃琴六秀才

黃君讀書有書癖一卷隨身手不釋清晨下帷不裹頭丙夜燈
還照秋壁水明簾捲秋氣新簾外冷月來窺人觀書雙眼炯如
月月光相射逾精神天河沈沈屋角橫小山叢桂幽香生長吟
喝月月倒行艸蟲四壁秋無聲此時朱門燈火暗閒雲散作癡
滿城豈知人間茅屋底猶有短檠開長檠我聞顧歡家貧夜然
糠匡衡鑿壁偷燭光君家烏几一燈朗勝如黃衣手把青藜杖

黃君黃君爾何癡俯拾青與紫豈必書與詩徒令秋霜染爾鬢
上絲秋蟲笑爾吟聲悲苦心一點聰明血只有秋藥紅豆知

正月晦日殘梅下作

是日子偏忌辰

曉雲如夢露如啼幾片東飛幾片西小住亦關緣久暫飄零那
判遇高低一般身世惟風絮萬事思量總雪泥莫語去年今日
恨比他羌笛更淒迷

春泛

春水綠堪憐春人照若仙桃花二分月楊柳十三年好夢輕雲
隔離心落日懸白鷗真我友一一酒樽前

品花

花裏三傾國梅蘭及海棠可餐皆秀色不斷是生香春思依依
夢秋陰寸寸腸何時滿人意都值在瀟湘

已巳春三月過平遠山樓聽鐵舟小霞彈琴時遠峯方
病聽琴畢病良已爲之作詩以紀其事

枯桐發響寒葩醒樓中飛雪春冥冥起訖飄忽中瓏玲以心喻
指指節靈指外有指心忘形誰其彈者爲李馨白皙姣好十九
齡忽而變聲古以適白日欲碎青天秋沈著毋許剽不畱聲入
木理木亦柔絃如無絃絃外求誰其彈者爲鐵舟穎師後身兼
貫休各舒妙指不相競各寫古心實相應有心無心皆上乘是
指非指佛印證衆籟盡息一音正一樓春風默而聽詩人忘詩
病忘病

古梅花下作

老樹著花花斌媚繁花映樹樹玲瓏漫天蓋地春消息只在橫
波一轉中

淪塵居牡丹

羯鼓東風怒發芽
珊瑚紅透碧窗紗
世閒味莫奇於酒
天下人多豔此花
一笑春猶誇富貴
百年事總類雲霞
當筵漫惜韶光去
五色圍屏面面遮

贈周山人雪龕

玲瓏仙館匝清池
流出支谿水兩支
萬事破除惟酒癖
一生心力在花時
皈依白社如元亮
脫手青山做大癡
攜得朝雲來入
寢借君彩筆浪題詩

雨中同崧疇小霞泛舟送春

湖山如鰲雨如塵
道是尋春卻送春
畫樂雙枝天上水
紅樓一角意中人
難遮去路惟青艸
不定來蹤是綠蘋
究竟爲誰惆悵殺
閒愁纔洗又重新

李生小霞馨

小李如芳艸閒情處處生
青山秋入手綠酒夜飛聲
歡醉難爲癡清狂易得名
梅花三弄罷風月太縱橫

周生菰疇彬

之子顏如玉蓮花最少年
聰明由我授溫雅得人緣
錦袍胭脂涇銖衣蛺蝶翩
一枝蟾桂好香染大羅仙

獨立

掃空心地露天眞四海千秋此子身
自對月明還自愛無情人是至情人

八月十四夜是日秋分

古桂重開露滿天忍寒貪立小庭前
秋如半老何嫌老月喜將圓
尙未圓萬事要知無足日
一生須惜乍中年世人每忽當時

景只道來得更可憐

秋泛取醉

薄羅雲結晚霞妍
遠汎閒乘舫
艣船繞郭秋如殘
畫裏倚樓人在
文場邊
湖山本是窮愁料
風月難辭世俗緣
獨酌扣舷吾自醉
不堪醒眼看青天

鹿城遇蕭二子山語舊

相見仍無語
相思各自深
黃壚生死淚

謂百堂客堂
子和子佩

白首弟兄

心木落凋秋色
鴻飛咽遠音
浮雲同一笑
不必論升沈

送兒輩就試玉山卽之郡

無端趁得秀才舟
乘興來爲訪戴遊
看罷玉山秋一點
滿天風雨下蘇州

一櫂寒烟破白蘋
此行端不爲鱸蓴
閒雲笑我匆匆甚
訪了秋

山訪美人

雨中泊舟金閶命小霞作秋訪圖歌以紀事

一船如鷗臥秋渚我欲攀雲與秋語美人亭亭在雲中手弄明珠撒秋雨風吹黃花滿鬢香玉纖持盃勸我嘗桺絲挽船莫歸去秋水不如人意長長相思短歌續美人不來抱秋宿夜呼李生翦殘燭數點吳山腕底綠

哭瞿癡香

眼底清才似汝稀秋風老淚爲歔歔此生翻爲求名誤臨死方知好色非香火未曾畱似續文章誰與闡幽微可憐撒手西天去落得頭銜一布衣

梅花鱣歌

飲邵匏風同年

廣融

齋中半酣矣出梅花犀觥酌我

連引數爵頽然竟醉主人許以詩易杯乃泚筆作歌
侘曰於趙文毅兒觥外又爲吾鄉增一故事耳

主人知我性愛梅酒酣酌我梅花杯眼花已落古井底對此雙
眸忽如洗一吸逕盡香且溫三杯五杯擗醉髭八杯九杯雲癡
吞胸中縷縷梅花覓玉山似倒羅浮邨十杯以後喫不得手尙
摩挲未能釋此杯辟塵兼辟寒滿堂翦燭紛傳看黃支一角理
沈黝巧匠琢根龍螭繆繞身明珠二十九正側向背無不有兩
枝迴抱若臂肘一枝上環入杯口其根鏤空恰容手上廣下銳
兩合受古人角爵容五升周官小胥不敬懲小者亦爲君子壽
卷耳七月風人稱君今酌我至小者猶慙小戶力不勝君固勸
我更一觥便令此觥從我行感君此誼不敢辭再拜受觥報以
詩籠歸囊中拂拂出酒氣醉覓猶認梅花味

海棠觥歌

匏風哲兄亮時茂才

廣鑑

有秋海棠觥製尤精巧子

旣得梅花觥思以海棠配酌更作是歌介匏風貽亮

時

萬物未有得一心無所求得一乃思兩如鳥求其仇君家兄弟
俱好客各出藏觥勸浮白一雕梅萼一海棠棠尤斌媚含秋芳
葉爲觥體花爲妝一花瑩然浸於酒兩花嫵然覆其口繞體如
腸更花九十二花無一重式未開半開反正側梗如梅根虛受
執葉如梅瓣欹受吸梅容兩合棠一合兩觥共抵三蕉葉我酌
此觥思彼觥安得兩美成合并右持春葩左秋英便當拍浮了
此生忽憶故事齊竟陵就兒子暫兩器呈嵇康之杯景山鎗我
援此例竟作發棠請棠乎棠乎惠然肯不則元瓌寶爵恐飛去

公權銀杯化爲羽

重九遇風雨越二日偕凌客輩上北山補登高之會

秋來腰腳健於僧看我懸崖撒手能松響入懷情灑落雲痕拂
襲意飛騰事誠可補寧嗟晚身若求高莫倦登猶恨前朝風雨
裏未乘清興策紅藤

對菊獨酌

霜中百卉盡離披讓爾秋深獨冠時高士儘容籬落傲美人須
看燭邊姿香幽卻喜畱能久才大何妨發最遲我筆與花同五
色醉來值得爲題詩

書錫山華孝子祠題詠卷後

客持一卷來觸手生古香卷中何所詠武陵古祠堂有明理學
儒鱣鱣邵文莊吾鄉一詩老彭城水滸卽餘子竝卓犖李旻及

劉

纓

楊文

詞意悉古質筆法都清蒼流傳藝林久哲嗣求傍徨

歸璧顧君

翰

手珍襲逾琳琅昔過惠泉麓傑構依平岡云祀華

孝子嚴禋肇齊梁明時稍繕葺飛樓聳瑤閭濬池承往澤植樹
貽來芳倉卒失瞻仰展卷懷清光諷玩不忍釋一一名辭章匪
重名辭章孝思感人長惠山石可泐惠水原可塞此卷不可蝕

輓毛壽君

壽君名琛早歲工詩聲譽藉甚晚年不得志浪遊楚
粵比歸諸子皆星散寄蹟僧舍以終生平著詩數千
首欲予爲選而刻之病中以一篋授予其子婦疑所
蓄也奪而藏之君旣歿遂不可問矣

垂老名場事事非投林倦羽早知幾一生心力拋詩卷四海交
遊識布衣有子飄如黃葉散無家閒共白雲依長明燈下游仙

寢應報吳天失少微

秘篋明珠事宛然故應珍重莫輕宣流傳著作原關命付託因緣亦有天若爲中郎收典籍未容行賈問詩篇空餘紅豆辭人號誰向騷壇鑄浪仙

亮時蘭風昆季約爲菊花會第一集分得花字

燭邊鏡裏影橫斜側帽銜杯量儘加對此襟情宜兀傲受他供養亦清華九秋豔奪三春錦一室光飛五色霞籬外南山萬重樹相當還有葉如花

華陰廟商柏抱周槐在左闕門下見唐志嘉慶丁卯歲

一枝遭風折墮地無錫華竹席上舍

麗植

乞之廟祝

繩而方之準漢尺長一尺八寸寬四寸六分以貽邵

君亮時酒次出以傳觀爲讚歎作歌

世間萬物貴在老尺木可如尺璧寶既無龍紋鳳紋肌理妍又無僂斤般斤琢削巧鑽之未必新火生聽之豈有音與聲不書周槐二字作標識烏知此木公然入唐志華君鄭重貽所親邵君得之誇衆賓酒酣四座盡傳看如捧夏鼎商彝珍我思此木未吹折華陰廟前榦如鐵屢躲驪山召寇烽曾搖槐里封秦雪商柏抱之心慕悅龍鱗纏附虬鬚結氣壓秦時五大夫位尊周禮三公列顏墓楠孔陵檜與君共入耆英會鵠心氏繡腹郎唐時各對此只在孫曾行豈知參天拔地二千載忽折一枝墮塵海古物偏逢好古人遙遙作合如相待此木若在唐時逢已足歎動裴晉公定教庾威削作枕南柯郡領槐安宮今人空讀唐志熟蓄眼未覩此奇木羨君足不出里門華州二豕來相奔摩挲滑澤不去手順令枯木回青春不必頌君傳世爲公卿不必願

君服實能長生但須博古圖中將此形模尺寸一齊補君名與木同萬古世閒何限株輪囷北風獵獵吹倒塵不逢兩君好古人竈下拉雜推爲新

訪王仲瞿吳門

時君方佐河帥宣防暫歸

我浮秋水壺廬至君趁寒潮瓠子回塞土當時非至計築隄延世是奇才奔流坐看堯年去轉運行脩禹貢來手檢河渠三策在宣房宮下獨徘徊

凌雲瘦筆獨撐支天鍊奇才薦達遲翻譯欲脩三史與圖能補百蠻詩生如無益名徒累死卽能傳骨豈知一箇看囊錢沒得兩行清淚老微之

君賦悼亡未久

喜林遠峯病起

一病幾銷骨相逢暫展眉聽花謾腳輒吹酒飾顏衰尙有飛揚

意寧知老大悲白頭對紅燭不笑亦何爲

訪王椒畦孝廉

學浩

寒碧莊寓齋

入戶一庭竹須睂寒綠生整衣連畫筆踏葉得詩聲健發烟霞
秀貪依水石清國初推四子添爾五家成

得舒鐵雲書并四詩言昨歲都門有傳予病歿邗溝者

慰語情摯并問出山之期次韻述懷卻寄

蓬山風卻已經年骨出飛龍繡佛前牛馬走慚稱太史蠹魚乾
悔食神仙禁方自配君臣藥行券難商子母錢猶喜尺書逢驛
使玉梅消息破情禪

自憐出處兩蹉跎泉濁泉清轉折多鴻隱仍棲吳市廡鳳雛幾

落蜀山坡

病揚州時泊舟蜀岡下

冷官久分生涯拙高士翫嫌死信訛一

事傲他趨漏客酣眠不識夜如何

如君冀北合羣空神駿依然伏櫪中幕府頻年支宦料書生何

日脫鵝籠蘇秦十上終慚姁子貢三挑太惱公一卷連山去關

講非童求我我求童

君十試禮部三遇大挑明年將主講溧陽

選佛曾傳法喜書

法祭酒嘗爲君與仲瞿及余作三君詠

三尊我獨愧文殊幸逃

仙劫聞雷斧難救民貧望雨珠百結綈袍寒至此一條衣帶水

叩須相思腸繞闔門路嚮聽吳孃子夜歛

鏡

一對常娥對朝朝畫遠山但分姿好醜不辨膽賢姦月嬾飛天
上人貪閱世閒能消幾回照白雪上紅顏

殘雪

梨花飄墮滿春城日日呼童埽不清全恃陰山將汝護敢遮要
路礙人行橫陳儘受飛塵汙光寵翻希落照明畢竟消磨自容
易暗隨溝水去無聲

相逢曾憶散花天拋汝風塵亦可憐漸學人情分厚薄尙隨物
態寓方圓光微不及盈庭照才淺空思滿壑填身到泥中飛戀
戀都忘舊侶玉堂前

徵漕之日客來按兩邑宰者多下榻寒齋或一日二日

至八九日率無所得而去因仿杜陵七歌以紀今歲
漕政末二章爲客歎也

不奉詔書奉憲牒每石加三曰津貼監收吏來語喋喋縣官奴
顏兩耳帖一歌兮我思彭澤陶疆項不爲米折腰

竹聲肉聲震天起朝發朱符夜追比案牘如山置不理不識一
丁只識米二歌兮我思道州長不願催科考上上

一風再從三簸揚徵米色錢如徵糧有錢低潮盡入倉無錢好
米稱糶糶三歌兮我思會稽守父老殷勤一錢受

紅椒較斛口包鐵要結民心吸民血徵收十成當八折倉場踏
米如踏雪四歌兮歌思南唐民米三斗換鹽一斤

有手莫彈單父琴有眼莫看戒石箴有能餽我十笏金烏白鷺

黑從君心五歌兮我思崇德宰長官清如醬色水
寒林北風吼如虎問君何行拜明府監奴拒客坐堂無一塊冷
銅三擊鼓六歌兮我思臨邛令折節相如謬恭敬
客從遠來不及避不待客言窺客意滿面沾沾作廉吏送客出
門怒門隸七歌兮我思汝陽尹一片豬肝故人領

天真閣集卷十九終

天真閣集卷二十

詩二十

昭文 孫原湘 子瀟

上章敦牂

早春梅花下

春寒勒住玉參差
小粒明珠挂滿枝
越是折磨心越愛
恰如好事未圓時

一日巡簷十二回
月明孤影尙徘徊
靜中領畧春消息
好在將開卻未開

雨窗

連朝雨霽報花開
纔要看花雨又來
一種護花心事切
絕無花處且徘徊

重過滄塵館牡丹已謝

重繫蘭橈野水濱東風相對惜殘春名花老去猶傾國小鳥飛
來欲近人池館漸增如著作煙雲長護是鄉鄰舊詩刻向琅玕
翠一晌摩挲迹已陳

艸堂三宿酒千杯公瑾交情潑舊醅樹底聽歌黃鳥熟溪邊窺
客白鷗猜風吹浪迹冥冥絮雨繡春痕漠漠苔手寫桃花原記
去此生知否更重來

送春

東風輕掃玉堦塵中裏飛花點點春舊事難尋今夜寢新愁原
爲去年人蠶拌老死惟成繭絮有他生只化蘋可柰閒情似芳
艸一回刪卻一回新

靜坐箴

氣爲道母神爲氣房洞我橐籥閑我幽昌不損不益勿存勿忘

竟與神一如珠匣藏

天地無我時天著我何處天地生我後我著我何處天地無我
後人著我何處試於靜坐時回頭一返顧

萬善莫如一仁萬化莫如一神萬理莫如一純萬物莫如一醇
養得靜中消息恬知一貫生春

碧梧風細亂蟬吟靜裏功夫子細尋落葉拈來成一笑元來此
卽是春心

李安之歸佩珊夫婦過訪下楊長真閣

昨夜燈花報我開雲中雙雀果然來畱賓合取文君酒埽楊愁
無弄玉臺會促難停長短漏情多各注淺深杯未妨守盡寒鑪
火同撥心香未死灰

酒花香雜墨花鮮騰笑全家盡廢眠歡喜眼前無俗溷商量身

後有詩傳閨房跌宕奇才子煙火韜藏古謫仙門罷剡溪藤百幅一星如月挂東天

送別安之伉儷

閣上雙星竟夕留難傾海水注蓮籌傳書預屬迎潮鯉阻輒翻思喚雨鳩童婢也知良會惜神仙原要宿緣脩蓬門一角雞棲地曾作吳家寫韻樓

重光協洽

人日雪霽

雪灑簷花墮畫櫺有梅花處雪消停知春艸意先蘇醒耐冷人情必性靈綵筆新詩題歲歲玉塵舊事記星星遙山也喜逢人日微露牆頭一髻青

春感八首

余入詞館七年矣戊辰春服除赴闕舟至秦郵急疾而返都下有擢飛語中余者師友各郵書敦促今年又值散館徧呼將伯竟弗克具裝疾且復作是命矣夫書此識感兼呈院長諸師及同館諸故人

春江催放木蘭舟其柰空囊趙壹羞黃閣慢期勲一品青山自有業千秋飛飛但看凌風鶻泛泛真成狎浪鷗林下相逢人莫笑也曾簪筆向黿頭

蹉跎鄉國又三年孤負長安望眼穿勸駕徒煩公府檄辦裝難借水衡錢名高豈爲窮愁貶俗薄惟知仕宦賢我愧一瓢清未絕累人頻諷出山泉

千里流言易信真可堪一篋謗書陳會參有母還投杼顏子無人偶拾塵魚腹寄緘愁不達蛾眉遭詠恐難伸春風獨閉門如

水靜對爐香自檢身

坐盼簾鉤落日遲春長枉自弄游絲蠶因葉少踰眠候燕爲風
疏誤社期身暇始知羣過集心清祇覺獨居宜花開本是慵舒
眼况值愁深病淺時

莫上高樓莫倚欄柳條春老杏花殘客來尙問行藏亟身到方
知去住難堂上芥舟無水濟階頭榆莢當錢看秋雲敢道人情
薄自分黔婁骨相寒

飛花如雨撲簾旌此日春光滿鳳城弱水神仙慙後輩浮雲富
貴悟前生菰蘆儘可容孤隱桑柘何嫌託耦耕只是受恩忘
不得愁心和雁入瑤京

名卿手札日邊來絕勝封軺驛使催翠羽能招肥閔損黃金難
鑄空顏回心傾葵藿原知感手畫壺盧亦要才深負崔書頻赴

隴報辭聊比漆雕開

當年名共大羅題
賸我遲遲踏玉梯
蹤蹟暫分天上下
潞澗未定水東西
爭思禁署成頗牧
慢笑深林息阮嵇
傳語蓬萊仙掖樹
一枝畱待碧鸞棲

冬禁煙

塘橋龐氏不戒於火一姑兩媳同死時翁父子俱他適姑曰婦人不夜行吾安辟哉兩婦旣出復入曰姑死吾曹何生爲姑錢氏婦徐氏錢氏嘉慶庚午仲冬某日事

宋宮火傳姆不來辟不可漸臺水王符不至妾寧死龐家三女三丈夫阿婆殉義婦殉姑頭額焦爛心不枯不見李繁姉救姑不辟賊不見義宗妻冒刃立姑側西鄉炊烟冬日息龐家忌辰

作寒食

南宋樂府

田舍翁

匹夫生擒數天子寄奴王者竟不死穩坐龍牀猶虎視殺馬不
盡意不止葛鐙籠木耒耜儉德區區奚足齒弑亡國君自此始
羊禦狼

車兒自壞萬里城封狼居胥謀老傖佛狸南來燕巢林老傖跪
諷觀世音耕當問奴織問婢白面書生事何濟失一狼走千羊
輪臺之詔胡可忘

大鱸鼻

南山崔上林苑臧質老奴勸人反空帷夜哭李夫人侍中作
誅堯母門豫州刺史雙淚急不泣須防奴子擊昏昏醉過十一

年寧馨兒就山陰眠謝嬪迎來何邁第貽謀原是大鼈鼻

蘇侯神

竹林堂前呼寂寂此段殊得蘇兄力卻遵覆車裸婦人不記縛
豬親裸身禾絹閉眼諾胡母大張彙諱不祥白汝家辟陰禍馬
邊瓜口呼司徒小寬宥奈何蘇侯不相揅

李將軍

孝武龍子二十八屠豬不成被豬殺劉家業付李家兒漆竿緣
罷來吹篴飽頭纔射領軍腹千牛刀已候眠熟

丹陽宮

天下事合關肅公誰開一言刀血紅三十二枚玉璧終小車輓
輓丹陽宮走下金街淚彈指後身勿作天王子君不見司馬家
兒亦如此

春盡

昨夜東風料峭寒滿城春色盡闌珊楊花得意飛如雪便有兒童仰面看

盛青嶼遺照

青嶼名銷少以白雁詩著名沈文懸詩友也

解溪鷗侶共周

迂朱

薦木

壇坵風流信不虛重問月泉吟社事江

南誰是沈尙書

襍被尋詩蜀道行苦將標格鬥新城寒花衰艸靈巖麓愁絕秋風白雁聲

蔣文肅牡丹百詠題詞

五色宣豪奪化工文心畫手鬥春風調翻李白真才子種備姚黃屬相公一品集宜宮錦裏百篇詩稱碧紗籠名花看到兒孫少富貴長畱此卷中

春盡夜獨酌芍藥花下

憑闌又見夕陽沉
婪尾杯寒且自斟
花繞四圍候萬戶
漏餘一刻價千金
綠陰礙路枝無力
紅淚承盤燭有心
惆悵明知竟何益
未妨辜負是香衾

悼蓮歌

蓮卿徐姓崑山人
幼育於外家趙子
梁見而美之求以
爲簪室舅氏拒不
可已學繡于子梁
之妹夫人夫人以
言挑之曰以卿纖
弱爲貧家婦詎勝
操作誠得佳壻卽
屈身爲絡秀計亦
良得女領之子梁
知其心動謀諸其
外祖母卒迎以歸
趙夫人固才而賢
絕愛憐之字以蓮
卿蓮卿亦宛轉于
夫人之側閨房之
和有如言笑未幾
夫人卒蓮卿哀不
自勝子梁令庀家

政曰暫攝不敢辭然君宜繼室妾終侍夫人地下耳
明年誕一子不育彌月竟卒子梁有兩姬蓮卿寡言
笑動循禮法子梁以爲如夫人于其歿也痛之甚屬
爲之辭曰

趙郎性見蓮花喜欲采蓮花得蓮子一夜西風墜粉紅蓮房未
實蓮先死蓮卿家本語溪濬荆樹凋零護艸萎燕卵僅存誰羽
翼鵲巢雖在莫栖遲外家攜向虞山麓十五盈盈秀如玉補屋
親牽壁上蘿折花羞映門前竹杜牧尋春興正濃城南淥水泛
芙蓉乍驚憑檻鸞蛾翠卻見登樓馬鬢歸來惘惘真如失欲
聘紅兒爲記室鷗鷺偏無宛轉心雉媒枉費殷勤覓花謝花開
春復秋皋橋遍訪泰孃樓空勞走馬如京兆難得傾城似莫愁
吳宮絲絕趙夫人恰與徐吾是比鄰宋禕傾身稱弟子靈芸低

首學針神綠窗罷繡從容語如此纖齋眞楚楚出汲寧勝桓氏
車賃春難配梁鴻杵何如佐讀效清娛細骨輕軀百琲珠絡秀
爲親會屈節王家干政有尙書聞言雙頰桃花色不語含情許
以臆解事眞逢伶子于侍書願作樊通德從此冰人笑口開外
家祖母主婚來定情只下繁欽帖不要溫家玉鏡臺郎從白下
回蘭楫便教持楫迎桃葉回憶曾逢半面粧者番細認蓮花靨
小星宜傍月華明况值才賢管道昇我見猶憐緣宿世親題小
字喚蓮卿藕絲衫子荷葉盤手烹荷露奉清歡六時梵課隨卿
子萬卷芸香佐易安畫舫春停湖上路趙家眷屬人爭妒琴瑟
調來鳳唳清衾稠裁出鴛紋互庸知朝露折鸞釵謝女先亡百
事乖銀合靜君悲和藥縞裙澗玉苦營齋翔風雖長爲房老正
室位虛公熱惱中饋惟憑小孺人烹調絕勝魚羹嫂妾承君命

守邊巡宜選岡頭早締姻卻要暫堪爲主謁總筭終要殉夫人
果然霜雪侵蘭質春風便得崔家疾獅子何曾抹小金麟兒在
自徵燕姑手握卽君淚似潮此生薄命比蘭若臨終一語須垂
聽願續鸞膠莫續貂蓮花孃子歸天上露仙在備輕綃帳潘岳
方嗟晨靄零東坡又苦朝雲喪玉簫帶去玉荷環十二年期再
見慳怕聽鸚哥傳響板那能蓮子破空棺南塘又值藕花時愁
對清溪照鬢絲影堂寂寞空幃颺只供亭亭玉一枝

醉臥鐵佛寺桂花下

十斛奇香法界熏珠幢風細布氤氲禪心吾豈隱乎爾情味人
誰濃似君飽看逕思飛入月酣眠幾欲嬾爲雲醒來尙作婆娑
舞抖擻秋衣散夕芬

趙甌北前輩重宴鹿鳴詩

老人星象貫文昌八十花前鬢未蒼詩化佛仙魔一氣命兼福
慧壽三長數來齒德空朝士說到勲名重夜郎鸚鵡踢翻黃雀
碎人間賸有魯靈光

秋風重聽鹿鳴歌舊日霓裳記大羅一榜齊年誰健在三朝蒼
老已無多還丹卻喜同孤進識面曾經有素娥道上不知文潞
國只疑梁灝始登科

題謝雪卿繡餘遺艸

錢瑤崔姬人

雪兒風調雪聰明摘句爲圖自繡成得嫁書生非薄福便耽詩
癖定深情才如有偶原招忌語不須多易著名擬罷江淹三十
首匆匆仙躰赴瑤京

重晤錢七叔美

杜於邵氏詒安堂

平仄間押體

二十五年前把臂長身玉立水曹郎一尊重與論初地兩鬢相

看訝早霜著作外無真子嗣畫圖中有小滄桑酒邊收拾英雄
淚且對梅花笑幾場

余有贈內詩云耦耕心事畫眉年小隱須尋屋似船四
面不吝無月到一生常得對山眠只消春酒如湖水
盡種梅花作墓田未敢便乘蓮葉去怕人猜著是飛
仙蓋少作也叔美采詩意爲余作隱湖偕隱圖長歌
奉謝

松壺作畫如作詩見人佳句輒構思我詩從未入君畫被君妙
筆偷寫之君法荆關無不有變滅忽成黃子久筆非子久意子
久子久家山落君手一峯插翠爲劍門一湖綠浸芙蓉根明月
蕩漾玻璃寬照見水上梅花卽是何神仙隱于此人道秦臺舊
簡史得非梅花化身是不學長生學不死碧空浮來一葉蓮我

乘遊戲天外天墮地復爲春水船
卻在屋後青山邊松壺知我
皆偶然畫出非隱兼非仙
桃原漁耶輞川居耶壺公之壺耶
但須一醉百事無有不飲者
如此湖更願君來結鄰
日日就我飲
醉後雜取我詩點筆爲之圖

送別叔美

一笑天邊月清光共酒杯
數聲江上篴離思滿高臺
流水杳如
寢寒冰鑿未開玉梅香正發
勸爾櫂舟迴
君抱西湖月來乘東海霞
玉琴三弄罷風雪又天涯
去路如殘
畫閒鷗共一家扁舟儻相憶
夜夜寢梅花

偶成

蕭然冷臥白雲隈
莫管桃花世上開
本少宦情兼以嬾
偶就詩癖不關才
美人高士神仙佛
流水空山雪月梅
畢竟前身是何

屬仰天含笑任天猜

訪味霞唐墅以山水兩巨幅見贈報之以歌

扣門一笑君出迎手挾兩座秋山明一峯初透勢突兀未敢觸
手疑有稜中腰雲氣忽變滅滿堂漠漠秋烟生山根離奇拔地
起勢欲飛去凌空冥直將太華左股割插向吳越青天青玉叉
高懸注視久身入萬壑忘吾形吾鄉畫師誰大成大癡老人神
骨清自從投罍客仙去驅山走海無人能後來石谷亦盛名神
理未備法則精不如漁山骨蒼秀不使一筆庸與平君今後起
何縱橫皴法往往荆關并眼前餘子豈足數子久不在孰與評
嗚呼子久不在孰與評玉壺買春且共傾醉來眼纈看素壁毛
髮疑灑飛泉醒呼童卷取白雲去竟載青山入縣城

友人屬題尋親圖

萬里尋親黃向堅
巒溪狔樹畫中妍
人間有此禎祥事
隨意丹青亦足傳

小霞山水

兼旬逃雨入江鄉
筆底烟雲倍老蒼
帶得一絲妍秀氣
無人不羨董香光

元默涪灘

何巒華書來云伯淵觀察兄在吳門望余甚切且報芍藥將殘拏舟往晤枕上口號

又搖清簾出橫塘
舊雨相招一葦杭
離思久如芳艸積
閒身甘爲落花忙
風先得意吹船尾
月最多情戀枕旁
多少金門趨漏客
車聲催動黑甜鄉

孫子祠題壁

萬綠周遭宅一區依山爲屋自盤紆樓臺高下存兵法石洞陰
森有陣圖客不通名看竹坐鳥緣迷路隔花呼紅妝到此低徊
久忍得嫣然一笑無

眞孃墓

芳艸萋萋翠碣新梨花誰奠玉壺春此中或有千年骨過客爭
思絕代擲靡下孟光逃葬所湖邊蘇小認鄉親人心好色眞成
例裝點山靈要美人

千人石

三月苔花錦繡鋪春風士女遍跣趺問渠閱歷能言未如我人
才有數無一竅不曾開混沌千呼寧解點頭顱補天似爾空材
大難入媧皇五色鑪

觀察兄臂痛戲呈

美疾難憑酒力攻花前喚取折枝童曲肱頗廢清眠樂叉手猶
看作賦雄莫是忍寒因半臂焉知佳兆不三公若非二品頭銜
在人道新豐一老翁

洪筠軒州判

頤煊

出示所藏

國初諸老遺蹟題後

芸香葉葉護零紉先輩風流足古歡真蹟彊如碑響榻勝緣誰
付石深刊書無工拙前人好物要畱傳後代難中有吾鄉今鄭
俠數行詩翰耐重看

冊共三十二頁中有吾鄉蔣公伊手蹟蔣於康熙朝曾繪流民圖進呈

呈慶佑之方伯

保

卽題其泛舟理琴圖

方伯爲尹文端公第十子

華山雲接泰山雲移蔭江南萬戶春四海論交皆後輩三吳持
節重親臣賡歌

聖主冰絃雅宏濟蒼生寶筏新五十年前諸父老扶筇遮看范
純仁

星軺當日下南天。瀟灑爭看畫省仙。白雉調琴如趙抃，紅槎貫月是張騫。一彎秋雪初停櫂，萬斛天香盡拂絃。山水清音烟水趣，無人知道使君船。

繡衣白面枕戈鋌，紅旆揚威海外天。直使盧循窮戰艦，勝如楊僕下樓船。八閩波靜潛蛟客，一島風清逐水仙。金鼓無聲饒吹畢，手攜琴譜仿成連。

濟楫才雄百廢脩，甘棠花下玉琴悠。化令江上魚龍帖，風解吳中士女憂。東閣梅花何遜詠，南樓明月庾公秋。萬民忭祝絃歌裏，要看公登不繫舟。

兩江制府節署齋名尹文端公所建

指頭畫蝶歌爲蕉園方伯作

偉人胷中無不有，癡罷姬公癡莊叟。春蒐蘧蘧著紙飛，造化天生在公手。初看不知水墨潑，道是青蟲殼新脫。又疑乾粉夾書

中遇著春風偶然活莊生寓言指非指以指爲筆惟所使摹之
者拙學之死公乃神來豈形似我昔曾見瑛癡禪貌出太常雙
老仙以筆較指指更妍生趣突過高且園令我題詩忘著語逕
欲撲之袍裏舉卷還粉本與滕王癡立吟竟猶栩栩

伯淵觀察兄招集湖舫

過江一櫂萬花迎來普湖山主勝盟才大獨能兼述作福多無
暇到公卿六旬尙切娛親計四海爭知好客名袁簡趙北錢竹汀
王述庵都老去東南壇坫屬吾兄

圖成主客舫西東恰喜林泉勝趣同七子風流符北斗一湖煙
雨畫南宮鶯花鬧處人逾靜蝦筍多時酒易空宦海爭如文海
樂收帆何待管絃終

觀法書名畫於七十二鴛鴦吟社

滿屋風吹石葉香長箋錄古仿歐陽不畱天下無名畫合喚江
東有美堂銷軸分疑從李賀縣厨傳或自長康雙眸飽看煙雲
過退谷江邨兩侍郎

席上題張憶孃簪花圖

國初諸老題詩日猶見雲英未嫁身消得幾番花下醉眼前都
是卷中人

杏苑春風得意遊何如紅粉此風流人間儘有聰明客盼得簪
花白了頭

餞春和韻

一蜨無聊繞畫廊綠陰新換好風光若非幾陣摧花雨那得江
南土盡香

閒情纔割又牽情愁殺蝦蟇轉六更挑盡銅檠紅蠟淚推簾凝

聽落花聲

友人僧服照

種就文人慧猶謀蓮社名禪爲古遊戲佛是大聰明雲衲破無
恙蒲團圓有情從他碧落上孟顥說先生

把酒問青天圖

如此清宵不飲癡天青眼白一宗之秋河瀉作當筵酒明月圓
于在手卮高處清寒歸有路舊遊蹤影歷堪思瓊樓多少吹簫
侶隔著琉璃那得知

喜晤張船山前輩時辭萊州守僑居虎邱山塘

鳳尾紅雲海上開脫籠仙宦下蓬萊天閒此客非無意我愛其
人不獨才事到去留徵定力宦分巧拙看歸來一雙生就清風
手擲卻銅符把酒杯

揮手浮雲笑謝之，翻憑託鉢療朝飢。
儒能通佛才方大，人肯歸田福便奇。
風月卻愁分我料，湖山久已待公詩。
玉臺商畧看花譜，好在無官未有兒。

湖舫席上看船山醉卽用惠書扇頭韻

樂飲何知聖與賢，碧筩荷葉已田田。
萬花照水原無染，一蜨縈衣亦有緣。
相約不言天下事，自稱本是酒中仙。
接羅倒著車茵污，人到傳時醉盡傳。

朱楠臺明府

樹基

重莅昭文以詩扇見投次韻奉報

絃歌爲政本風流，竹馬重迎郭細侯。
入境已寒羣吏膽，躋堂爭仰萬民頭。
窮交敢以豬肝累，僻巷猶慙馬蹟留。
正是分秧好時節，勸耕早泛使君舟。

手種甘棠一樹春，仲卿遺愛在斯民。
雙鳬重蒞如歸客，四境相

逢半故人常建題詩紗幮護張顛判州筆尤神桃花扇底薰風
煥霽被東陽郡守仁

眞秀閣展重陽二十韻

時序逢秋展雲霞集故交峯高蓮出朵月缺桂畱梢瓊佩茱萸
繫瑛盤橘柚包餅花高復下觥酒凸兼凹敝帚迎仙馭清蔬翦
佛庖羽茶拌水厄毛栗勝山肴樵婢欣供爨褻童苦禁叟盍簪
臨五老噬腊戒三爻香借鰕簾護詩分繭紙抄菊芬憑露洗篁
韻恣風敲情喜琴絃叶心愁瑟柱膠新辭皮鬪陸險句愈聯郊
艸暗蠶吟壁松孤鶴宿巢銀鐙銜火鳳珠檻挂寒蛸朔辨酬賓
戲雄談解客嘲友爭袁盎結官學季鷹拋筵已周三爵尊還盡
一匏酣歌驚寢霍醉筆舞靈蛟縮地人無術升天犬可教桃園
如許問吾意欲誅茅

小春日吳氏古香齋菊宴

秋欲去春忽來
煥風彊勒冬且回
春非春秋非秋
和氣一洩不可收
化工戲弄筆五色
染得黃花紅紫白
紅深紫淺白不勻
妥貼位置終須人
主人酌我黃金壘
我不能飲花笑來
我持一尊還笑花
不肯傲霜反傲霞
請花自笑勿笑余
此時人淡花不如
花聞我言轉更笑
君才自短不我肖
不能奮持五色筆
走向天階畫朝日
卻來籬落效寒吟
作箇詩人苦藏拙
人花相笑孰是非
不如醉翁能息機
門前秋水碧無際
一一白鷗乘月飛

吳氏女產女不育慰之以詩

瑟瑟珠胎忽墮盆
蘭芽雖損未傷根
焉知失馬非爲福
幾致殃魚亦是冤
早寄音書酬母望
好調眠食慰姑恩
明年十月黃花發
來看而翁喜抱孫

歲寒

天運有代謝物理無終期盛衰互倚伏日月相差池登高見黃
落造物非告疲流行不可極乃以止受之動復歸有靜大化潛
逶迤英英松與柏各葆貞固姿

昭陽作噩

新正四日立春卽事

一笑梅花發春來我屋先煥風蘇州困殘雪化泥堅牛打千門
彩魚跳五路筵家貧擁書臥無欲卽神仙

自乞看花假春風八度更心棲茅屋穩寢繞玉堂清宦興因衰
減詩情倚醉生拌將粗飯足歌詠答昇平

春日獨醉

我持酒一杯杯外非我有獨酌無相親自有明月友安得春江

流變作葡萄酒糟邱築南山柳瓢斟北斗月常當我頭杯不去
我手春去春復來壺中春獨久一醒與一醉大道雌雄守醉倒
梅花林竄爲衆香首笑指酒旗星搖搖挂於柳

寄題師竹山房

吳山連芙蓉鍾吾獨秀出白雲漲青冥中有棲真室真人託元
化龍去蛻留質藏骨石縫中春風產芝尤吳君嘉澹蕩人飛行
拾松實手拂石上霞高眠吸秋日摩挲古琅玕吾師不可失星
壇禮赤松碧空響瑤瑟

春日雜興

一樹寒梅對我開巡簷日看兩三回命宮有柱擔清福身世無
爐鑄橫財屋爲倉空稀鳥雀徑緣僕散長蒿萊愁中喜得同心
婦又見拈花索笑來

長物蕭然四壁清
新排十六卷詩成
敢誇不脛雞林走
聊比無心蚓竅鳴
工拙漫從時目定
是非須與古人爭
鑄金覆甌都難料
茶熟香溫且自評

春氣酸人病骨
諳閑關惟與靜緣
耽酒辭鄰叟呼浮
白學喜門生競出
藍佳日易過彈指
一良醫難覓折肱
三維摩丈室清如水
莫遣飛花入小龕

十年多病臥茅茨
眼望長安欲去遲
太史任呼牛馬走
少陵自卹鳳凰飢
心緣有感還成憾
病在多疑便是癡
昨夜寢中爲蛺蝶
飛飛終戀上林枝

客來勸著祖生鞭
小住煙霞近十年
戀岫閒雲誠不雨
出山流水恐非泉
懶圖瞋睡忘朝漏
貧賣文章當俸錢
鸚鵡雕籠飛未得
始知鷗鷺是神仙

仙茅小築碩人藹莫雨晨風自補蘿僮嬾通泉煩竹筧兒頑堆
石仿陂陀閒花爛漫能香少奇籍縱橫未讀多日課一詩消晝
永春光原不算蹉跎

蘇有山學博

榛

屬題陽羨探梅圖

官閣寒香戶畫扁春風宜築小蘇亭新增一簪斜川集喚醒梅
花讀與聽

敲門索我題新句正想尋詩學浩然聞筆忽聞香撲鼻滿天飛
雪便開船

時將探
梅鄧尉

野仙障子

雲一身風兩腋芭蕉葉大如席道人眼射碧天碧飽看銀河挂
千尺除卻手中機拂子萬事煙雲輕一擲何不飛行竟絕迹未
了平生山水癖

擬探梅鄧尉風雪屢阻仲春下旬始得放舟喜今年花
信獨遲山靈應不負我卽事先成十韻示同遊李生

小霞次子文樾

幽期負梅花梅花應我待清寒勒花信客我期屢改遲遲始得
晴去恐被花綰山妻指向余盆梅尙蓓蕾如無杖頭錢鬢有一
簪在結束古銷囊鼓勇不敢怠扁舟挂輕席準備明月采呼童
取濁醪澆我胷磊磊燈花報喜來圓結珠百琲一醉寢蒐飛已
在香雪海

舟中先寄梅花

梅花待我詩恐我約屢爽綠章乞天公陰寒積旬養微暄轉初
晴天助風五兩破帆十幅張柔艣一枝響春人與春波一往俱
淡蕩暗香觸我鼻明月落我想我未到花前蓓蕾莫增長急乘

片雲飛先寄一詩往

寢見梅花作

我欲見梅花梅花先就我茫茫香海中推我春覓墮繁枝壓肩
右老幹礙腕左側足僅可容明珠滿身裹上月下雪間萬象皆
貼妥美人姍姍來臨風縞襲褰慰我長相思春病一時可覺後
聞餘香衾裯覓殘朵

夜起呼李生彈琴

清夜不成眠呼琴作三弄餘響滿霜天已入梅花寢

題遠峯詩稿

欲作趙師雄先訪林君復輕烟細雨中剝啄扣茅屋見面無襍
談新筍詩一束一讀一灑然如嚼梅花馥天公解人意破雲出
晴旭催我新詩添催君舊游續

伎有爲海寇所虜遁而得歸者次陳雲伯韻

玉梅風裏瘦人天窈窕窗紗兩鬢烟放膽曾看三島月埽脣重
上五湖船豪情跌宕如毛惜變徵淒涼是小憐一曲水仙清怨
在落花和雨打琴絃

題贈道士

是何瀟灑姿橫琴坐林樾世無長生方我有不死骨飽啖碧桃
花丹田自生核石鼎雙紫烟飛作古明月老崔亦何知長鳴望
瑤闕

曉起池上

綠漪如鏡淨初揩恰稱驚鴻照影來玉蕊正含珠露滿輕風容
易莫吹開

入鍾吾山

衆山隔水如低昂一山獨秀摩穹蒼春風澹蕩翠欲活秀不在
皮兼在骨巒迴澗折意屢更浮青幻紫難爲名一峯透雲積鐵
色插入天心天破碧

師竹山房聽松

絕壁忽搖動松聲如怒雷疑從碧空外倒卷太湖來流水澗初
歇古琴囊不開道人心寂歷穩臥白雲堆

看山讀畫樓坐雨得詩

一山包孕無數山樓前排列青螺鬟天公有此大圖畫令我一
讀開心顏重巒突嶂初看似複疊其中起伏回互一筆不可刪
山外羣山更奇特如斷如續如鉤環渾雄秀削無不有南宗北
宗參錯於其閒猶嫌空靈意少未超脫特令太湖湖波插入青
一灣風帆飛鳥畧點綴不著氣力殊蕭閒莫釐諸峯多在隱約

際尤工遠勢爲荆關都被此樓大力盡收拾讀之竟日惟恐天
卷還山均一朵白雲起忽而空濛雨來矣靈奇變幻不可擬一
幅大癡成小米平疇曠野烟雲遮不放平庸入眼底譬如畫家
一筆稍甜俗急取清泉墨痕洗吁嗟天公愛好猶若此柰何俗
手紛紛貴形似濃綠深青塗滿紙

師竹道人載崔小影

分俸高僧支遁築亭處士林逋正是梅花開滿隔花招手相呼
昔有籠鵝乞字今逢載崔求詩赤壁圖中羽士山陰道上羲之
水月尊師古鐫

一離一坎交氤氲火中裂出寒冰紋一日六時五色紛欲雨靄
靄生空雲虛中領受花氣熏回枯續潤芬常芬捧持莫令背嵬
軍封汝香國涵春君

移石居曉起

抱石酣眠到曉分
百禽鳴處百花熏
披衣急展窗三面
閒看仙童埽白雲

山坳古梅身半枯
矣嫩條叢生香韻殊
絕徘徊撫玩不能無詩

一株仙骨迴臨風
斜倚雲坳致不同
不是詩人尋得到
年年開落亂山中

老樹新生玉筍枝
林逋今見有孫兒
臨行幾度殷勤看
只恐重來已過時

肩輿至元墓

瑶林曲折筍將穿
兩兩幽禽導我先
積想十年纔滿願
關心百事總前緣
花憐極盛將疏候
春愛輕陰不雨天
貪傍繁枝低處

走殘香都落帽簷邊

杏花弄

別開生面見明霞
梅樹前頭盡杏花
豔極自成春一巷
紅迷不辨路三叉
望從深處疑仙閣
行到窮時有酒家
喜得新題思故事
曲江風裏帽簷斜

題還元閣

高閣嵌雲塢
丹甍聳嶙峋
開窗面湖岫
空翠撲我身
鐘磬白日靜
太古爲鄉鄰
尋幽得小憩
俯仰前蹟陳
俟齋題額處
雕梁滿飛塵
紗籠護詩句
漁洋及縣津
閣前老梅樹
根瘦花精神
東風幾開落
閱歷空山春
槎枒作高格
吾思古遺民
橫斜發逸致
吾思老詩人

萬峯臺眺太湖諸勝

高臺凌烟霞俯瞰兩崖缺樹杪太湖光冷瀉一杯雪隔湖諸峯
青屏障插天列春煙靄空濛髻影不可別帆檣片雲移松罅乍
明滅澹日祿寒波孤鷗去飄瞥坐久梅花香肺腑沁清絕身心
兩俱忘曠然與誰說

由穹窿循柴莊米堆至元墓小憩歷銅阬西磧菖蒲潭
尋潭山查山天井諸勝觀梅放歌

我欲瑤臺看珠樹世閒豈有蓬萊山昏昏睡過四十載那知此
境不在虛無閒曉辭鍾吾巔乘雲來訪郁泰元柴莊米堆揖我
前滿山玉樹濛濛烟十里五里香接連雞犬都在花中眠凡夫
蓄眼覩未全已詫身在瑤宮天梅花宛然笑竹外客今所見抑
何隘不見銅阬西磧兩山閒一白能將翠全蓋晶光遙遙洗眼
明山之靈氣梅之精春心振蕩喜若驚漫天蓋地皆春情參差

屋角微露夢此中人世真瑤京安得化蜨飛身輕抱花而臥穿
花行循潭右行折復左潭山查山似招我山下鄭茂良種花一
萬株紅者爲絳仙綠者爲綠珠使我意境如凌虛如過一萬傾
城姝此樂只恐天宮無此時身世已兩忘竟欲老此溫柔鄉饑
嚼枝上花爲糧醉眠地上花爲牀花氣清我心腹腸花意藥我
矜愚狂平生自負詩膽大到此新詩不敢作唐突仙人兩首詩
欲普林逋謝其過花感我知己縱橫一齊開堅坐不忍去夕陽
林端催夕陽夕陽汝莫催我能呼取明月升瑤臺我未至竟已
來我卽返竟徘徊

贈花農鄭茂良

潭山作屏障青碧插當門此地容孤隱梅花自一邨翦裁從世
俗培植比兒孫我欲移家住桑麻與細論

登六浮閣

風吹梅花滿屋香
歸然一閣花中央
窗開四面花爲牆
蛛絲罥花繡屋梁
誰與題者李流芳
後八十年建者張
世人壽無此屋長
惟有梅花曾見閣
上開瑤觴當時閣
中客詩薈已與茯苓
琥珀松根藏我來
憑弔查山易六浮
出沒波濤鄉安得
太湖三萬六千頃
化爲一碧葡萄漿
供我大醉三萬六
千場醉死便葬梅
花旁

鄧尉香雪海古梅已盡
居民易以桑望之如梅
但無香耳

十年詩癡尋香雪
一笑烟雲已變更
游客大都循故事
好山多半負虛名
宦歸尙爲清寒守
月上全非瘦影橫
何日桑田重作海
麻姑須說與方平

司徒廟古柏

司徒廟中柏四株但有骨幹無皮膚一株參天崔立孤倔彊不用旁枝扶一株臥地龍垂胡翠葉卻在蒼苔鋪一空其腹如剖瓠生氣欲盡神不枯其一橫裂紋縈紆瘦蛟勢欲騰天衢故以百索盤其軀神兵夜半風雷驅憑樹一一聲暗鳴得非大樹將軍乎守此神物防樵蘇世閒老樹無地無短長適用人所須清奇古怪高廟南巡錫名溢出繩墨外千八百年濩落空山隅肌理欲細汝則粗材質欲壯汝則臞大匠過此徒嗟呼而汝偃蹇全汝愚吾思鄧仲華廿四爲司徒身歷百戰夜枕戈七遇不利三褫俱五十七年如須臾未得一日山中娛苟辭剪伐逃斤鋏寧飽螻蟻藏黽黽千秋萬歲自有恩遇殊嘉名寵錫勝如秦大夫何必雲臺之上爲棟爲梁櫨

虎山橋登舟

過橋新漲綠參差
推起篷窗解纜遲
猶有暗香來遠送
滿船風雨泊多時

雨泊木瀆欲登靈巖不果

春泥滑滑鳥聲中
咫尺雲根宿霧籠
歡賞須畱緣不盡
折磨翻覺味無窮
洗妝未許窺西子
蠟屐空教費謝公
中酒阻風儂已慣
臥聽涼雨滴孤篷

見山閣

屋東頭與屋西頭
兄弟分居上下樓
一髮青山萬重樹
我來剛好上簾鉤

贈吳雲客

嘉湛

瀟灑襟情鬢未華
平生詩癡落烟霞
貪燒丹竈都忘食
漫生

山不顧家遊熟萬人知此客身忙一月爲梅花歸來城市兒爭看香雪濛濛插帽斜

歸家日戲作

竹扉小閣扣斜陽手卸奚奴古錦囊心目尙縈香雪海妻拏爭問白雲鄉儘多奇境難詳述恰有新詩待細商一領綠衫花氣在爲儂好好疊筠箱

友人索畫

纔從香雪中還西磧銅坑眼界寬滿貯胸中萬冰玉一枝隨意寫人看

吳松崖

寶書

畫梅見授并題詩以梅爲喻次韻報之

白雲橫臥嬾孤飛石屋無人雀守扉如此空山春自澹從來高格見應稀相思正惜天如鰥小立先愁雪滿衣畫出一枝林下

致開絨已逗暗香微

折枝牡丹

輕紅淡碧兩相歡
雙笑迎風露未乾
如見綠窗人曉起
鬢邊斜插鏡中看

天真閣集卷十終